

Dirección Regional de Educación Huancavelica

Dirección de Gestión Pedagógica

VI CICLO
SECUNDARIA

“Huancavelica sí lee”

La Hora de la Lectura Familiar

Con preguntas de comprensión
Según desempeños CNEB



Desarrolla tu pensamiento:
Realiza las inferencias

Llulla uywa michiqcha

HUANCAMELICA - 2025

Semana

20

Comunicación
EIB

Llulla uywa michiqcha

Huk kutis, uywa michiqcha uwihankunata urqu waqtakunapi michisqa. Manas kusiqaqchu kasqa, aswanqa piñanayasqas kasqa. Ama chayna michinampaqsi, aswanqa asirinampaq, kaynata rimapakusqa: Wak llaqtapi runakunataqa nisaq “Kay atuqmi uwihaykunata qatikachachkan”. Chaynata hamutaykuspani, qunqaymanta qaparisqa:

—¡Kay atuqmi, tayta mamakuna, uwihaykunata qatikachachkan!

Runakunaqa, utqayllamansi, risqaku uywa michiqcha yanapaq, chaynallataq atuq manchachinankupaq. Urqu waqtaman chayarquptinkuqa manas atuqtaqa tarisqakuchu.

Uywa michiqchaqa asiywansi wañusqa runakunata piña piñasqata qawaspan.

—Mana atuq hamuptinqa, amam qaparinkichu —nisqas runakunaqa, puristinña, llaqtaman kutinankupaq.

Unay michisqanmantas, yapañataq uywa michiqchaqa qaparisqa:

—¡Kay atuqmi, tayta mamakuna, uwihaykunata qatikachachkan!

Runakunaqa, utqayllamansi, yapa kutitawan, uywa michiqcha yanapaq risqaku. Ichaqa mana ima atuqta tarispankus maqtilutaqa tukuy kallpawan anyasqaku:

—Amam yanqa qaparinkichu mana atuq hamuchkaptinqa. Qayakamunkiqa chiqap atuq rikurirqamuptinmi, hinaspa uwihaykikunata qatikachaptin.

Uywa michiqchaqa, astawansi pampapi puytikuykuspanraq, wañuyta asisqa, imaynam runakuna llaqtaman kutisqanta qawaspa.

Tanirquspanqa, michiyman si iñikuykusqa. Chayna kachkaptinsi, uwihankuna patampi huk atuqta qawarqusqa. Mancharisqas, uywa michiqchaqa qaparisqa tukuy kallpanwan:

—¡Kay atuqmi, tayta mamakuna, uwihaykunata qatikachachkan!

Llaqtapi runakunaqa rimapakusqakus: Yanqam wak uywa michiqchaqa qayakamuchkan. Nispankus manaña risqakuchu yanapaq. Maqtilluqa, imayna atuq uwihankuna qatisqanta qawaspas, llaki llakita waqasqa.

Tutaykuytas, llaqtaman kutimuspa, uywa michiqchaqa nisqa:

—Qunqaymantam urqu qipanmanta atuqqa rikurirqamun, hinaspa uwihaykunata qatirikuspan siqakuykun. ¿Imanasqataq mana yanapaqniy hamurqankichikchu?

Runakunaqa kutichisqakus:

—Yanapaykikumanmi karqa, iskay kuti hamusqaykuhina, utqayllaman; aswanqa nisaykiku: manam pipas llullapiqa iñinchu, maynaña chiqapta niptinpas.

Esopo

TAPUKUYKUNA

Tapukuykunata kutichimuy:

Kutichinaykipaq qillqapi maskamuy (PREGUNTAS LITERALES)

- 1. ¿Imaynataq uywa michiqcha uwihankunata michirqa?** (Qillqapi kutichiyta tariy)
 - a. Llaki llakisqa
 - b. Asikustin
 - c. Piñanayasqa
- 2. ¿Imaynatataq uywa michiqcha qayakamurqa runakuna yanapanampaq?** (Qillqapi kutichiyta tariy)
 - a. ¡Kay atuqmi, tayta mamakuna, uwihaykunata qatikachachkan!
 - b. ¡Tayta mamakuna, kaypim michichkani, kusi kuisqallaña!
 - c. ¡Amaña hamuychikchu, tayta mamakuna, allinmi kachkani!
- 3. ¿Imanasqataq uywa michiqcha kimsa kutipi qayakamuptin mana runakuna yanapaq rirqakuchu?** (Qillqapi kutichiyta tariy)
 - a. Yanqam wak uywa michiqchaqa qayakamuchkan, nispanku.

- b. Llaqta runa kasqankurayku, chaynallataq pisipasqa tarikuspanku.
- c. Atuqta manchakusqankurayku, hinallataq karu kaptin.

4. ¿Mayqin ruwaytaq ñawpaqta rikurin kay qillqapi? (Qillqapi kutichiyta tariy)

- a. Runakunaqa, utqayllamansi, uywa michiqcha yanapaq risqaku
- b. Uywa michiqcha uwihankunata urqu waqtakunapi michisqa.
- c. Chayna kachkaptinsi, uwihankuna patampi huk atuqta qawarqusqa.

**Kunanñataq, kutichinaykipaq qillqawan yanapakuspa umachamuy
(PREGUNTAS DE INFERENCIA)**

5. Qillqapi, ¿imaynataq karqa uywa michiqcha? (Maypitaq nichkan. Chaywan yanapakuspa kutichiy)

- a. Tuki tuki
- b. Yanqa rimaq
- c. Asisiki

6. Qillqamanhina, ¿imaninantaq “asiywansi wañusqa”? (Maypitaq nichkan. Chaywan yanapakuspa kutichiy)

- a. Utqaymansi wañunanpaq asisqa.
- b. Wañurqusqas asisqanrayku.
- c. Wiqinpas pawanankamas asisqa.

7. ¿Imanasqataq runakuna mana uywa michiqcha yanapaq rirqakuchu kimsa kuti pachata qayakamuptin? (Maypitaq nichkan. Chaywan yanapakuspa kutichiy)

- a. Iskay kuti yanqa risqankurayku
- b. Asistin qaparimusqanrayku
- c. Yanqallata qaparimusqanrayku

8. ¿Imatataq kay qillqa yachachiwanchik? (Maypitaq nichkan. Chaywan yanapakuspa kutichiy)

- a. Allin michiq kayta, maypipas, kaypipas, uwihatapas utaq paqutapas, utqaylla.
- b. Chiqap rimayta, manachayqa pipas llulla nispachá mana uyariwasunchikchu.
- c. Imayna uwiha qurakuna mikusqanmanta, urqukunapi chaynallataq wayqunapipas.

Hamutaspa kutichiy. Allinmi, utaq manam allinchu nispa rimarimuy; hinaspa, iskay yuyaywan kallpanchamuy. (PREGUNTAS DE OPINIÓN)

9. ¿Imaniwaqtaq kay qillqamanta? ¿Allinchu manachu? ¿Imanasqa?

.....

10. ¿Ima qillqatataq ama llullakuyta yachanapaq ñawinchachwan?

.....

HOJA INFORMATIVA

FORMAS DE PARTICIPAR. INFÓRMATE

1. LLAMA A LA RADIO

 **Día:** 31 de agosto

 **Hora:** de 8:00am a 10:00 am

 **Radio Studio1**

◆ Antes de conversar di la frase:

◆ Si la línea está ocupada, ¡no te rindas, sigue intentando!

➔ **Teléfonos:** 067-452463 / 067-452465

2. ENVÍA TU MENSAJE POR FACEBOOK

 **Día:** 31 de agosto

 **Hora:** de 8:00am a 10:00 am

★ **Páginas:** Facebook de Radio Studio1/Fan Page de DREH

◆ Escribe un mensaje con:

- Tu nombre, grado, nivel, IE, lugar y UGEL.

- Respuestas a estas preguntas:

- ¿De qué trata el texto? (Responde brevemente)
- ¿Para qué sirve este texto?

3. RESPONDE EL FORMULARIO GOOGLE. ¡Es fácil, rápido y masivo!

 **Disponible toda la semana**

 **Hasta el 1 de agosto**

➔ **Accede al formulario aquí:**

<https://forms.gle/Ya99xJ1tPgXRvdem9>